

兩
浙
名
賢
錄

兩浙名賢錄卷四十三目次

風節

漢

龍丘萇

嚴子陵光

會稽太守陳業

晉

何幼導準

沈道虔
子惠鋒附

司徒主簿王方平弘之

宋齊梁陳

風節目次

卷四十三

一

七

顧景怡歡

沈雲禎麟士

唐

孫節

靜樂先生方太初吳

五代

章魯風

白雲先生石廷翰

僕射大夫何溥

謝金吾銓

宋

陸行正正

子應奇孫
士賢附

兵部尚書陳存

國子博士杜文甫

提點刑獄游魯望汝

吳太學大有

金華令陳天瑞

修職郎章子壽鏞

吳子善思齊

義烏令周公謹審

安節先生徐英文俊

七民劉君用若濟

定成尉牟成甫應龍

軍戎判官孫潼發

陳弘道宗儒

三教遺逸趙孟頫

葉仲凱

海門簿程元爽塏

芹澗先生蔣芸

正節先生衛富益

柳南放翁殷公源澄

介白散人劉弘宗楊祖

楊吉甫子祥

容州文學方韶父鳳

東山先生朱元之清

黃行素奇孫

金一之應桂

胡子廉

鄭玄璋時中

陶菊隱

杜若川濬之

壽岩老人欽德載

龍圖閣待制萬鍾

元

清節處士虞伯和如埴

姚君衛棨

溫日觀

呂徽之

燕叔圭琰

純德先生陳天祺應麟

張克明

潛齋先生毛彥明輝

全閒老者王存道宏

水雲子汪大有元量

潘省中伯修

張子長樞

潘聲甫音

明

玄白先生黃觀成中德

石鼓山聳呂不用

練希魯魯

陶九成宗儀

李長民公鑑

監察御史童守真

葉勝明子曉

張羽臯馴

三鄉老人葉子雲

廣西叅議張文衡銓

荆府長史施魯

太霍山人陳洛夫中州

給諫許台仲相卿

孝廉張文東涑

漢陽令董碩甫穀

兩漢名賢錄卷之四十三

東海徐象梅仲和氏謨

郛城何閔中同卿氏閔

風節

漢 共三人

龍丘萇

龍丘萇太末人隱居九峯巖義不降辱王莽連辟不起
更始元年在廷爲會稽都尉掾吏白請召萇延曰龍丘
生躬履德義有伯夷原憲之節都尉酒掃其門猶懼辱

馬寧敢啓之。遣功曹奉謁，疾致醫藥，更使相望於道。歲餘，延躬詣養，乃署儀曹祭酒，尋謝病去。

嚴子陵光

嚴光字子陵，餘姚人。一名遵，本姓莊，避顯帝諱，諱莊曰嚴。光少有高名，梅福妻之以女。光武微時，嘗與光同學。及卽位，乃變姓名，隱身不見。帝思其賢，下令物色之。後齊國上言：「有一男子，披羊裘釣澤中。」帝疑是光，乃備安車玄纁，遣使聘之。三反而後至。車駕卽日幸其館，光卧不起。帝問其卧所，撫光腹曰：「咄咄子陵，不可相助爲理。」

邪。光不應良久，乃張目熟視曰：昔唐堯著德，巢父洗耳。士固有志，何至相迫乎？帝曰：子陵，我竟不能下汝邪？於是升輿歎息而去。復引光入，論道舊故，相對累日。帝從容問光曰：朕何如昔時？對曰：陛下差增於往，因共偃卧。光以足加帝腹上。明日，太史奏客星犯帝座甚急。帝曰：朕故人嚴子陵共卧耳。除諫議大夫，不屈，乃耕於富春山。後人名其釣處爲嚴陵灘云。

會稽太守陳業

陳業，上虞人。初爲會稽太守，潔身清行，遭漢中微，委官。

去隱於黠歛間。朱育稱其高趣妙縱天下所聞。

晉 共四人

何幼導準

何準字幼導，海鹽人。穆章皇后父也。弱冠知名，州縣交辟，不就。兄克驥騎令準仕，對曰：「第五之名，何減驥？」遂準第五也。克後居宰輔，權傾一時，而準散帶衡門，不與外事。徵拜散騎侍郎，卒不就。後追贈金紫光祿大夫，加晉興侯。子恢，以非父志，表辭不受。

沈道虔 子惠鋒附

沈道虔，武康人，性仁愛，好易老，隱居縣北石山下。孫恩亂後，飢荒爲甚，道虔與諸孤兄子共釜庾之資，因不改節。州辟凡十二命，皆不就。宋文帝聞之，遣使存問，徵爲散騎侍郎，不起。以琴書自娛。子惠鋒，修父業，尤心希古，不應州辟，說者以爲肖子。

司徒主簿王方平弘之

王弘之，字方平，上虞人。仕晉爲司徒主簿，家貧，性好山水。宋武帝辟召，一無所就。從兄敬弘爲吏部尚書，奏弘之爲太子庶子，不就。文帝時，又陳高行，徵爲遼直散騎。

常侍又不就。敕弘嘗解貂裘與之。卽着以採藥。性好釣。上虞江有勝地。名三石頭。弘之垂綸其處。經過者不志。議問曰。得魚賣否。弘之曰。亦自不得。得亦不賣。日夕載魚入上虞郭。經親故門。各以一兩頭置門內而去。始寧沃州有佳山水。弘之又依巖築室。及卒。顏延之欲爲作誄。恨短筆不足書美。誄竟不就。

宋齊梁陳

共二人

顧景怡歡

顧歡字景怡。鹽官人。六歲時。父使驅雀田中。歡因作黃

崔駰不復顧崔食稻過半貧無所受業竊聽隣人讀書
悉記不遺傳與邵元之經學開館受徒常百餘人每
喪水漿不入口者七日廬於墓次齊主道成踐祚迎駕
稱山谷臣顧欽表曰道德綱也物勢目也湯武得勢順
道則阼廷秦項忽道任勢則身戮顧積古百王斟酌時
用則率土之賜臣志盡幽深無與勢勢請卽辭歸帝賜
麀尾素縑有文義三十卷

沈雲龍麟士

沈麟士字雲龍武康人虔之子也幼便敏聽經父每讀

玄無所遺失。岳撫其肩曰：若斯文不絕其在爾乎？及長，轉通經史，居貧織簾，誦書口手不絕。鄉里號爲織簾先生。嘗行路，隣人誤認其屐，麟士曰：是鄉屐邪？既而反後，隣人得屐，送前，屐遺麟士曰：非鄉屐邪？笑而受之。元嘉末，文帝令僕射何尚之訪舉學士，縣以麟士應選，不轉已至郡。何尚之深相接，謂子儼曰：沈麟士黃叔度之流也，汝其師之。未幾歸吳，羌山教授從學者數十百人，各築室止其側，時爲之語曰：縣羌山中有賢士，開門教授，續成市，從戎，費承爲縣典宰，請其入郡，麟士聞郡當後。

有好山水欲一觀之乃徃停數月永請爲功曹麟士曰
明府德履冲素留心山谷是以被褐負杖來謁必欲飾
混池以蛾眉冠茲客以文冕走雖不敏請防高節有路
東海死耳不忍受此黥劓永乃止復歸羌山負薪汲水
并日而食終老讀書不倦製黑蝶賦以寄意梁天監中
卒於家

唐 共二人

孫郃

孫郃奉化人自幼負氣岸博學高才唐末爲左拾遺朱

唐書

溫纂唐著春秋無賢人論卽脫冠裳服布衣超然肥遁
養晦林泉著書紀年悉用甲子以示不臣之義

靜樂先生方太初吳

方昊字太初淳安人生於唐末唐亡耻非所仕遜隱巖
谷中吳越錢氏招之不往聚徒講學於上貴精舍以終
其身鄉人化之稱爲靜樂先生

五代 共四人

章魯風

章魯風桐廬人能詩與餘杭羅隱齊名錢武肅崛起以

韓風善筆札。召爲表奏。我目官。不請韓之。沉於其。舊。隱爲錢塘令。懼而從命。因宴獻詩云。一個稱衡客。不得思量黃祖漫英雄。自是鏐始厚遇之。

白雲先生石延翰

石延翰。新昌人。父渝。兄延休。皆仕吳越。錢氏翰獨耻之。隱居沃洲山白雲谷。以書史自娛。後贈白雲先生。

僕射大夫何濟

何濟。越州人。識雲氣。善地理。爲南唐僕射大夫。貶休寧尉。未幾。國亡。濟大哭。嘔血。卽挂冠。隱芙蓉山。剪髮爲頭。

陀侵跡禪門而不談內典喜讀道德經每歎曰老子真
聖人也猶龍之稱仲尼寧虛借哉其有所譽必有所誡
矣居恒專煉火化後果以火得解脫

謝金吾銓

金銓會稽人仕南唐歷宦錄青光祿大夫金吾大將軍
李氏以國歸宋銓守義不辱挈家遁居祁門士論高之
年五十六人

增麟先生陸行正正

子應奇孫士賢附

增麟字作正海鹽人今屬平湖正博學篤行通律呂象

數之學。有名唐輔。宋亡。與族父霆龍。以家世宋臣。矢不
仕元。更名正。御史程文海薦之。不赴。後復與處士劉
因同徵。俱不赴。隱居教授。其學以慎獨存心爲要。所著
有正學編。樂律考。七經補註。克己雜言。凡八十餘卷。卒
年六十七。門人謚爲靖獻先生。子應奇。字景祥。郡守劉
澤民察其賢。欲奏官之。謝曰。某老矣。早喪先人。失學不
顧。爲官守。笑曰。名儒之子。何言不學。力辭而止。孫士賢
字彥良。樂善好施。有意氣。元末名士流落者。如會稽楊
維禎。宣城貢師泰。錢塘陳彥博。多客於其家。

兵部尚書陳存

陳存安吉人累官至兵部尚書端明制置使宋亡元遣使七徵不起尋遘疾却醫絕食旬有四日卒

國子博士杜文甫

杜文甫臨海人咸淳進士歷瑞安軍節推德祐初除國子博士宋亡義不仕元翰林學士趙與鰲薦于朝侍御史程文海奉旨宣召皆以疾辭終不起自號南峯山民提點刑獄游魯望汶

游汶字魯望德清人咸淳中歷江西江東福建提點刑

獄似有能辭買似道當國時事大非汶與論事忠誠懇
惻至於流涕遂罷官家居泯迹草野入元抗節不仕恭
政滿大年以遺老奏召爲福州總管堅辭不就所衣一
布袍書其背曰前宋遺民大元百姓不問燕居叙會晴
雨寒暑未嘗脫解論者悲之

吳太學大有

吳大有嵎人也寶祐間游太學率諸生上書言買似道
奸狀不報遂退處林泉與林昉仇遠白挺等七人以詩
酒相娛時人以比竹林七賢元初辟爲國子檢閱不起

卒葬戴顒墓左

金華令陳天瑞

陳天瑞臨海人咸淳進士師事金華王柏精性理之學志潔行肅爲金華令有能名宋末隱遯林壑詩文高古效淵明書甲子文集五十卷

修職郎章子壽鑄

章鑄字子壽興興人仕爲修職郎謫直敢言宋亡歸隱於家元世祖令故宋官納誥勅仍量授職鑄不就自以世食宋祿坐未嘗北向宋人之仕於元者鑄皆絕之不

與往來世高其節

吳子善思齊

吳思齊字子善處之麗水人父選官至朝散郎思齊少
穎悟以詞章知名由任子入官監新城稅調嘉興縣丞
善決獄訟未幾遷饒州節制司準備差遣時丞相賈似
道貴戚謝鑑力能生殺人思齊以小官中其諱惡人爲
危之而思齊弗顧也俄不願仕寓居桐廬值宋改物家
無擔石有勸之仕者輒謝曰譬猶處子已嫁不能更二
夫也思齊天性直慤知有是非不知有毀譽每與葵藿

方鳳福州謝翱游請名山酒酣氣鬱輒望天末傷哭而返大德間卒年六十四

義烏令周公謹密

周密字公謹錢塘人寶祐間爲義烏令入元不仕與趙子昂仇在近戴表元爲唱和友詩極典雅善画梅竹蘭石得意輒自題其上

安節先生徐英文俊

徐俊字英文德清人以明經爲國子生咸淳中憤時宰誤國率六館諸生葉李等抗疏乞斬賈似道疏三上不

報宋亡遷於林野。至元中累召不起。言及宋故輒泣。然流涕及卒。門人謚曰安節先生。

七民劉君用若濟

劉若濟字君用。青田人。咸淳進士。義不仕元。自謂出於六民之外。別號爲七民。

定成尉牟成甫應龍

牟應龍字成甫。烏程人。父職官大理少卿。應龍以父廢。當補京官。讓之於弟。未幾舉咸淳進士。對策忤買似道。調定成尉。宋亡不仕。父子自爲師友。討論經學以文章。

大家名於東南人稱爲隆山先生

軍威判官孫潼發

孫潼發桐廬人咸淳進士授衢州軍事判官有燕能聲
辟御前軍器所幹辦公事未幾宋亡家亦毀乃避地萬
山中採杞自給元侍御史程鉅夫奉旨搜訪江南遺逸
以潼發應詔堅辭不起卒槁死巖穴時人義而葬之

陳弘道宗儒

陳宗儒字弘道自號樵同臨海人獻肅公之從子也平
生尚節槩不苟取與伯父檢院念其貧割田贈之力辭

不受吳丞相堅延爲上客每說之曰道不行志不遂
後何待吳不省遂拂袖南歸竟與之絕釜庾不繼咽水
讀書聲出金石當時高其風

三教遺逸趙孟頫

趙孟頫宋宗室也其先家於黃巖文天祥見之曰瑚璉
器也其後天祥開闢江東浙西俱辟以行及召赴闕孟
頫留吳中僅五十日宋亡元兵執孟頫欲官之因辟以
疾遂去吳依親友以居絕口不談宋事游情佛老號三
教遺逸居嘉禾及天祥卒爲文祭之慟絕復蘓臨終口

占曰王室之懿文山之客千古忠赤端坐拱手而逝所
著有湖山汗漫集

葉仲凱

葉仲凱餘姚人博涉經史善屬文咸淳甲戌禮部正奏
名爲富國者所忌罷會代易終身不仕或勸之曰君未
食宋祿今仕元何不可而甘貧賤仲凱對曰吾聞周德
雖興夷齊不厭薇蕨漢道方盛黃綺無間山林人各有
志奈何違之勸者乃止仲凱教授鄉里敦篤之風藹然
爲詩歌萬段興存亡之感讀老莊惟讀不志讀

海門簿程元爽塏

程塏字元爽，括蒼人。樟之四世孫也。嗣海門簿，慷慨激
烈，每念世受國恩，宋亡，弃官歸，自傷亡國之臣，卽戴冠
爲道士，建太極陽明書院居之，自稱神陽先生。

芹澗先生蔣芸

蔣芸，開化人。咸淳鄉舉，上疏論買似道奸，不報，遂不就
南宮試而歸。宋亡，元累徵不起，人稱芹澗先生。

正節先生衛富益

衛富益，崇德人。有異質，識見高遠，不爲章句之學，閉家

亡於崖山。日夜悲泣。設壇具祭。文天祥陸秀夫張世傑
詞極哀慘。觀者無不墮淚。嘗負笈往從金履祥學。深探
易旨。決意不仕。隱居教授。創白社書院。會布衣友賦詩
講道。縉紳不得就列。風度飄然。至大間。有司欲薦聞。不
就。怪其迂。毀其書院。遂隱於湖之金蓋山。絕口不言世
務。絕足不履城市。一日遘疾。悉焚所著書。曰。吾志晦迹。
安用名。世卒年九十六。門人私謚曰正節先生。

御南放翁殷公源澄

殷澄字公源。嘉興人家。富好施。見義勇爲。元兵壓境。澄

猶保乘未下元將大怒命屠其城澄仗劍扣軍門曰民
猶水也水順則流逆則激民順則從逆則亂今將軍不
廣好生之德施不殺之威顧欲盡剿斯民乎元將怒欲
斬澄厲聲曰卽殺一人活千萬人死安足惜辭氣益壯
元將感悟一境獲全丞相伯顏聞而義之授澄軍民都
總管使守其地澄曰大宋之亡吾以親故不與俱亡乃
能視顏以事仇讐乎遂野服放浪九峯三泖間自稱漁
翁放翁云

齊白散人劉弘宗揚祖

劉揚祖字弘宗，慈溪人。幼有志操，穎悟絕人。舉景德三年進士，授崇文院校書郎。以不附賈似道，屢進屢退，積官禮部郎中。益勵志節，遇事敢言。時賈似道崇建臺榭，廣求名花異果，珍禽奇獸以實之。揚祖特疏論之，謂國步方艱，正大臣矢心戮力之秋，不宜忘經國大務，以坐待其斃。賈大怒，又欲斥之。會揚祖丁內艱，不果。自是國事日非，每扼腕歎曰：「人臣當與國同存亡，今大事已去，不可爲矣。」遂有肥遯山林之志。逾年而宋物改冠帶，哀憫及元，下詔求賢。揚祖不忍聞，遂徙家雲湖寺之東原。

建介白樓以爲讀書之所。日與子弟輩講解經傳。議論
規飭皆正氣。激發墾田給食。自號介白散人。以示不臣
於元。

楊吉甫子祥

楊子祥字吉甫。餘姚人。卓犖有奇氣。言行侃侃。必積于
道。江萬里與之舉爲縣監稅。不就。教授海濱。學徒甚盛。
遭宋亂。兵興。避地西浙。時劉夢炎事元。爲吏部尚書。歷
聞子祥賢。欲致之。子祥不顧東還。遇鄧牧。謝翱。及方九
思於臨安。相與弔古賦詩。徜徉湖山間。後有薦此數人

者乃皆去歸其鄉子祥歸姚杜門著書垂二十年而卒
容州文學方韶父鳳

方鳳字韶父浦江人有異材徧交海內知名士以族子
任試國子監舉禮部不中第後以特恩授容州文學未
幾宋亡鳳遂絕意仕進益肆爲汗漫游北出金陵京口
南過東隰海上悼天塹之不守顧翠華以無從顧盼徘徊
老淚如霰鳳善詩通毛鄭二家言晚遂一發於咏歌
音調凄切不勝黍離之悲臨沒囑其子樗曰吾死可題
其旌曰容州示不忘宋也宋末文樂鳳頗厭之嘗謂學

有曰文章必真實中正方能不朽否則當與東華塵土俱盡所著詩三千餘篇曰存雅堂稿行於世

東山先生朱元之清

朱清字元之富陽人自幼力學平居以道義自持爲詩文務底平實嘗與葉李同門清賞其不凡已而李以京學生叩關斥言宰臣賈似道置公田變楮幣諸新法非便得罪投漳州朋從莫敢往省清獨往與之訣且爲具凡飲食服用之需俾所親護送出二千里外及似道敗李免歸清候之江上相見無一語相勞第勉之以風節

自終元至元間李居左揆士趨附恐後清顧之漠然若未始有一日之雅者李亦念清不置數遣人迎致之清卒不往以布衣終其身所居在邑東山之下鄉人咸稱之曰東山先生

黃行素奇孫

黃奇孫字行素新昌人度魯孫也敦行誼有古風師事俞漸韓性避元隱居不仕所著有南明志蜩鳴集及輯其祖三朝言行錄藏於家

金一之應桂

金應桂字一之錢塘人傳學能詞章宋末嘗爲縣令宋亡誓不仕元隱居風篁嶺以書畫自娛書學歐陽詢畫學李龍眠非其人不妄下筆是以傳者絕少然識者以爲尺璧寸珠不是過也

胡子蘆

胡子蘆嚴之淳安人也自幼慎重不苟言笑書過目輒成誦弱冠博極羣籍不肯一下筆作舉子文字既而聞呂東萊之學遂徙與往從之遊盡得其趣未幾宋亡歸隱不復舉仕進窮居樂道以終其身

鄭玄瑋時中

卷之四十三

七

鄭時中字玄瑋壽昌人少聰俊博學善屬文明五經兼通子史以漕試得舉見宋鼎將移嘆曰吾其左社矣浩然有遯世志遂居家不仕研精覃思作春秋指述詞旨高遠開論後學亹亹不倦以經籍自娛絕口不談仕進人或問之答曰人生富貴利達皆身外物吾有先人薄田弊廬足以供飢粥蔽風雨讀書誦詩足以陶性情以樂吾生豈不快哉親授二子各一經皆有成立嘗語之曰吾友邵西坡詩云取相封侯兒輩事老夫只占月三

間功名之事汝自爲之非吾願也

陶菊隱

陶菊隱嘉興人以號行今失其名德祐末元兵南下菊隱聞勤王之詔散家財招集義兵以拒元謁文丞相於軍宋亡遺士流寓者多以爲依戒子孫勿食元祿當時同邑有趙孟頫嚴澄稱秀州三義

杜若川濟之

杜濟之字若川金華杜伯高之孫也明春秋領鄉貢宋易世失不仕元獻徽自轉作建志廷寧莊百里步瀟水

不可息寧忍三日飢都甯不可食雖云食息頗便分
與慝志士當暮年聞道轉歷歷要使此一身如琢復如
滌。整冠與納履微熈費踴剔末若瓜李地絕不見吾迹
矯行晦名寄食西峯僧寺以終

壽岩老人欽德載

欽德載與人仕爲都督計議官宋亡德載不肯送
款元兵募生致之欲授以官德載裂其板授書卽遁隱
碧岩山中自號壽岩老人

龍圖閣待制萬鍾

萬鍾歸安人也仕至龍圖閣待制國勢日危致仕居家
元世祖三徵之終不起卒以農業老於橫塘之上

元 共十三人

清節處士虞伯和如塢

虞如塢字伯和義烏人世業儒師事王炎澤恬靜自守
不以利祿爲意薦授永嘉教諭不赴有司勉令應貢亦
以親老歸名聞集賢院畀以清節處士之號尚美好施
游心經史終老不倦

建君衛樂

姚崇字君弼幼敏睿長通經術尚書程璿器重之妻以女恩授承嘉簿不就賓興於京會賈似道專權率太學生伏闕論之不報適還里居元史憲慰來招請見說以仁則得衆勿放火縱兵人心自安史從之衆賴無擾史奏授慶元簿不受繙訂諸子作論孟直筆及范翰林奉旨訪求好人衆爲舉皆賦母老力弊續薦俱不起扁所居曰心易尤精地理有雲外樵歌若干卷

溫日觀

溫日觀瑯琊寺僧也宋亡出家豪飲不羈往往出憤世

語善西葡萄枝蔓皆給華書法時寫詩文於上人皆知
貴重之性酷嗜酒楊璉真卿以名酒啗之終不需厭其
輒罵曰福墳賊獨與揭斯侯相友善每過從輒飲飲醉
輒抱庭前支離叟痛哭不可止支離叟揭所種松也

呂徽之

呂徽之號六松僊居人博學能詩文宋亡深晦不仕居
萬山中以耕漁自給一日大雪出易穀於富家聞其分
韻作雪詩有得蘇字者苦吟不就。不覺失笑主人怪焉
延之入援筆立成有鴛鴦鴛鴦亂功敗蔡峨蝶飛來妙過

滕之句。衆皆歎服。問其姓。洛不食。留之。不可。得。惠之。穀。
怒曰。我豈受不義之財者。必易之。卽刺舡而去。

蔣叔圭琰

蔣琰字叔圭。青田人。居南田華野。家中丞繼周之裔。自
以家世宋臣。不食元祿。授徒自給。足迹未嘗至邑郭。詩
文師韓杜。而天性孝友。人無間言。所著有葆光集。

純德先生陳天祺應麟

陳應麟字天祺。鄞人。淹貫經史。至曆數之學。無不究其
指歸。人稱通儒。一日乘馬出。有失馬者。直前認馬。應麟

問曰子亡馬幾何時對曰逾月矣應麟有馬且數年必知其非不與辨竟與之挽轡而去明日馬從別得乃詣應麟叩頭謝堦下至元間朝廷以安車召賢良應麟語使者曰吾祖宗世爲宋臣子孫不忍食元祿固辭不起賜號純德先生

張克明

張克明黃巖人至正十三年州里盜起州將宋伯顏不花出令集鄉兵掩捕克明率子弟以計襲取其首亂者二人械送於官民藉以寧州將將上其功克明謝曰某

老矣因時僥倖以規利非夙心也遂隱居山中年八十
一卒於家

潛齋先生毛彥明輝

毛輝字彥明括之松陽人博學雄辯總制孫炎薦署學
事屢辟不起歎曰吾讀書學問自分檢身理家修德承
祀以全歸焉吾志畢矣仕非吾節也平生愛菊遶籬種
之終日把玩悠然自得策杖獨步入紫青山中卜地爲
窰穴名曰全歸窩自呼曰介夫士友以其愛菊類陶皆
稱之曰潛齋先生

全閒老者王存道宏

王宏字存道、西安人、博涉經史、工文詞、書法魏晉、嘖嘖
逼真、中年崇事理學、著易啓疑、春秋辨證、文有蓬窓集、
每自憤生丁元運、隱而不仕、其紀生仍用德祐年號、以
貫已卯、先號半閒、至永樂承平、隨號全閒、老者特御鄭
辰銘其墓、以爲衡高世抱道不求聞達之士云、

水雲子汪大有元量

汪元量字大有、錢塘人、當懷宗時、以善琴出入宮掖、元
兵入城、賦詩曰、錢塘江上雨初乾、風入端門陣陣酸、

馬亂嘶、臨警蹕。三宮洒淚、濕鈴鑒。兒童贗遣、追徐福、屬
鬼終湏滅。賀蘭若說、和親能佑國。嬋娟應是嫁呼韓、頃
之從三官北去、流滯燕京時、有王清惠、張瓊英、皆故宮
人、善詩相見、輒涕泣。元量嘗和清惠詩曰、愁到儂時酒
自斟、挑燈看劍、淚痕深。黃金臺、迥少知己、碧玉調、高空
好音。萬葉秋風、孤館夢一牕、寒月故鄉心。庭前昨夜梧
桐雨、勁氣蕭蕭入短襟。世皇聞其善琴、召入侍鼓、一再
行、駸駸有漸離之志、而無便可乘也。遂哀懇乞爲黃冠。
世皇許之。瀕行、與故宮人十八人、醢酒城隅、鼓琴敘別。

不數聲、哀音哽亂、淚下如雨。張瓊英送之詩曰：客有龍
金共壁懷，如何不肯贖奴回。今朝且盡穹廬酒，後夜相
思無此杯。元量既還錢塘，往來彭蠡間，風踪雲影，倏無
寧居人莫測其去留之跡，遂傳以爲僊也。人多西像事
之，自號水雲子。士流題詠其事。

潘省中伯脩

潘伯脩字省中，黃巖人。嘗三舉於鄉，至春官，輒不偶，遂
決志隱居教授，以著書爲事。旁通天文地理律曆之學，
爲詩文皆寓微意。嘗曰：文章不關世教，雖工無益也。友

谷珍寇海上、浙江參政、朵兒只班總兵至、將盡屠邊海之民、伯修挺身率父老詣軍前、力爭之曰、倡亂者獨谷珍爾、吾民無罪也、乃得免、國珍聞其名、欲降之、不屈、遂被害、黃雲泉有言、潘先生莫邪大劍也、其光燦然、足以動星斗、其鋒鋦然、足以破堅珉、而不保其缺折之患、雖然、不害其爲千金之寶也、可謂深得其爲人者矣、

張子長樞

張樞字子長、東陽人、聰慧過人、讀書週目、輒不忘、爲太務、推明經史、以扶翼教道、尤長於叙事、嘗別撰漢本紀、

所以甄異載記、續後漢書七十三卷、三國之臣、有能致
節於其君者、舊史或諱不書、或書而失實、或僅見於異
代之史、皆爲更定、而於漢事必備載、以詳正統、或一事
類說、必舉訂使歸於一、是非疑似、抑揚予奪、咸有論著
繫於各篇之後、名曰訓志、謂宋之亡也、將相羣臣、仗節
死者、固已有傳、在史氏、若卑官下吏、士卒女婦之死者、
多史所弗錄、乃詢諸故老、仿采稗官、得若干人、爲宋季
逸事若干卷、朝廷取其書、置宜文閣、至正初、右丞相脫
脫監修宋遺金三史、奏辟經長史、力辭不拜、後以知制

謂兼國史院編修官召不就使者追之行至武林驛
病辭歸卒四方之士莫不高其風節

潛聲甫音

潛音字聲甫新昌人幼聰敏強記能文生甫十歲而宋
亡見長老談匡山事卽潸然涕下及長讀夷齊傳擊節
憤歎益以事元爲耻日惟杜門讀書談道多所自得後
因訪弟元甫於義烏因往從草廬吳澄學奏定間澄以
薦召欲行音勸止之不從遂歸築室南洲山中自名其
軒曰待清隱居所著有待清軒稿

明 共十五人

玄白先生黃觀成中德

黃中德字觀成、黃岩人、幼穎悟、受學於鄉先生潘備、
之門、及伯修爲方氏所害、乃歎曰、人生於三事、之知、
警其可以不復、聞天兵至、葵、卽持書間道詣軍門、請、
師復警會方氏歸附、事乃寢、遂與其徒徜徉山水間、
復有杜進意、學者稱爲玄白先生、

石鼓山聲呂不用

呂不用新昌人、初名必用、字則行、嘗應元鄉舉、有奇、

補長。悟曰：吾家世宋臣，事胡非義。遂更名，不用字。耕率諸弟，耕石鼓山下，以奉二親。已從金華黃潛學，博涉經史，爲詩文，翩翩有逸氣。時與宋漁劉基相唱和，及基翺輔高皇帝，屢欲薦之。以聾疾辭。晚年應經明，修辟授本學訓導。時亂餘，禮徑晦蝕，率諸生綜釐蒐輯，親爲疏解，且訂集朱子家禮行之。一時翕然向化。後以聾疾退居，因自號石鼓山聾。所著有得月稿、牧養稿、耕田稿。

練希曾魯

練魯字希魯、松陽人、至正間、父進官京師、因奉省、以家
籍就試中第、無何、元駕北陷、魯方弱冠、離亂南還、不復
有仕進意、力耕以供子職、遭母喪、啜粥飲水、哀毀逾節、
比葬、廬墓三年、高皇帝卽位、詔天下賢才輔治、有司
以魯應聘、力辭不起、復命有司勸駕、不得已、至武林、著
辭病詩九律、聲調悲壯、思志哀鬱、若不知其意之所在、
竟歸家、閉門謝客、復撰朝會樂歌六章、則又若喜聖人
之世出、慶遭逢之不偶者、然卒不一出、以老死、所著有
空峒集、傳於世、

陶九成宗儀

陶宗儀字九成，台之黃岩人。博稽宏覽，善古文，尤精字學。性度冲粹，與人無夷險佞直，一接以誠。平居寡言笑，至論古今人物，上下數千年，竟日不倦。至正間，浙帥奏不花辟舉行人，不就，遂避地松江之亭林，力畊自食。張士誠據蘓，擬署軍諮，堅拒不往。洪武辛亥，詔取天下人才，郡邑以宗儀應，又以病免。或謂讓之，歎曰：「一檄而喜，所以爲親祿不逮養，適增悲耳。」況今賢良輩出，草莽之臣老死太平幸矣。踰分之榮，其敢覲乎？藝圃一區，果蘊

著藥量給賓客其餘地悉種菊間遇勝日引觴獨酌花
下歌所自爲詩撫掌大噱人莫測也宗儀崎嶇亂離幾
二十年喪葬祭禮備盡其力人以孝稱晚年尤好著述
世所共傳者說郛一百卷輟耕錄二十卷書史會要九
卷四書備遺二卷

李長民公鑑

李公鑑字長民太平人方國珍據有台溫一時人士多
附之獨公鑑杜門屏迹若將浼焉有所憾必於詩發之
洪武初累薦不起後以子茂弘貴贈北京刑部主事所

卷之四十三
三
著有藥所稿藏於家

監察御史童守正真

童真字守正仁和人永樂中由貢生拜監察御史巡按四川忠誠端慤風紀振揚爲政不求近名而孜孜奉公惟知自靖擢山東副使食正三品俸秩滿待次天官嘗事者諷求一見真不往又使人至其邸真托疾偃卧不與交一言遂徙官廣東真卽解綬歸貲橐單鮮識者竊之

葉啓明子曉

葉子曉字啓明括之雲和人言行質直處家端嚴事親
詩文甘心窮約人或有贈餽者卽曰無事而受非儀也
有司嘉其賢而上之徵辟不應

張羽臯翺

張翺字羽臯仁和人生而穎異涉獵經史流覽百家至
於推步天文占望風氣若有神授宣德間有潘中丞者
浙人也將往南粵視師素知翺有兵略習占候除室迎
之翺感知已強與偕行一日坐帳中仰視片雲隱起謂
潘曰事濟矣烈風南來乃克賊兆也已而果然多獲首

虜藩擬踰薦朝日所以共事戎行者報知恐也朝以
名爵相免乎竟逃去易名晦迹以終其身嘗作詩有
曰有意欲嘗干日酒無心去傍五侯烟其志可知矣
終語其子曰吾推數循理後人必有大吾宗者朝所
數十年而曾孫應祺應祐玄孫瀚瀛洵洽薄洲皆相繼
登高科躋應仕人益服其先見云

三鄉老人葉子雲

葉子雲世家青田爲三鄉老人正統間閩寇竊發象鑑
等處皆爲巢穴朝廷命都御史陳詔提兵討之子雲

軍門白曰子雲請以三寸舌下賊不煩隻旅都御史許
之子雲單步見賊諭以禍福賊相顧咋舌遂留子雲飲
夜出四女子侍寢并餽白金一盤子雲悉謝不受賊義
之一夕解散子雲籍所弃輜重并所掠婦人四百口土
之幕府事聞議報以官因辭逃賞不知所之

廣西叅議張文衡銓

張銓字文衡仁和人吏部郎中信之孫太僕丞瑛之僕
子也成化辛丑進士官刑部主事爲人耿介不阿剛方
直諫多挺挺大節時尚書南宮某事多偏徇銓據法執

爭不已、尚書心切憾之、竟亦莫能奪、冢宰屠公某者、與銓有葭莩親、銓絕不與通、適屠有慶事、僚友期與偕行、銓義不往、屠大憾之、以爲輕已、而銓恬然不顧也、在刑曹十八年、風節愈勵、家貧甚、其妻日糊紙、鎗以給衣食、竟以薦介不求出、爲廣西叅議、舟覆死於水、

荆府長史施魯

施魯、仁和人、心純志潔、學古守高、寧避世違時而耻爲苟合、寧困窮沒齒而一毫之不義不可干也、正德初、以舉人仕爲荆王府長史、務以正道匡王、是是非非、介然

不阿王甚禮敬之既請增秩四品以方嚴簡充不為
睦所悅矯勅致仕璉誅詔徵魯復用魯自以年及不應
召遂終老于家而無一畦尺椽之藉東西僑賃不常非
其義弗受也嘗有施姓書生餉粟三十斛求冒魯宗魯
曰余惟不為冒昧之事以至於斯固却之時方絕糧處
之晏如也竟藜藿不給而歿未歿前數日操筆為文自
誌其墓曰吾懼文士之以虛聲潤我也其不為名高天
如此

太霍山人陳洛夫中州

陳中州字洛夫、詔之曾孫也、敦樸好古、務爲高奇、自弱冠應試、屢列前茅、所作文論、遠近誦法、貢爲廬江教諭、復轉王山、以典起人文爲任、往與永嘉張少師游好、及謁銓選、永嘉令作清馥殿賦、將薦授館職、不屑就、作詩諭之曰、上馬伏波還未老、下車馮婦也、堪羞人稱其節、氣歸來、結一室、依古木下、自號依樹老人、又稱太霍山人、每爲詩文、扶摺腎胃、如孟郊買鳥、湏出不經人道、語以自美、又嘗自題其小像曰、髯白子、生何暮、百請無一遇、動與世違靜、如泥塑人、以爲痴天然之素、謝多味、之

建取一察之悟大明平世之民養皇上人之步咸謂宜
錄云

給諫許台仲相卿

許相卿字白仲海寧人舉正德丁丑進士第官兵科給
事中屬世皇新政乃抗疏論政令不便者數事先是
中人張銳張忠恣橫法曹議在死律內降欲富之顧
無相卿力爭之又李賢以中貴張欽義子襲錦衣指揮
林俊以正人被言者誣相卿皆力言其非是語剴切
人所不敢言重嘗上爲氣驕志怠迥異初心云云

朝皆爲昨否。由是許給諫直聲震天下。居一年。抗疏致仕。歸。縣官具輿臺。賜隸如常。相卿曰。此役屬里閭。吾故里中人也。假令吾乘軒擁蓋。揚揚出里中。使吾父老親故走匿旁舍。此於事不當。吾誼已不入公府。毋徒患若父老爲也。堅却之。乃築室紫雲山中。巖居川觀。食力詠志。益務覃思墳籍。游心藝術之場。常製短篋長笠。以二雀自隨。遇佳日。披蓑戴笠。身騎黃犢。往來阡陌間。喜與田翁野史爲爾汝交。時就彼傾村醕。食脫粟以爲糧。或一言目爲貴人。輒投袂而起。縣官高其賢。爲樹表邑中。

堅辭之不得。既竣事，念當一往謝，則五鼓伺門入府。再拜而去。時令卧未起，卒不能禮之。館舍部使者時存，餽餉之金錢，輒推不受。元輔桂溪，與相卿善，貽詩有九杞山人不出山，不將一字落人間之句。相卿爲人豪邁正直，高視一世。林居三十年，海內咸傾仰之。中外薦者以十數。嘉靖己亥，以禮科給事中召起於家。部使者臨門敦逼上道，相卿力以疾辭。元輔爲書招之曰：「明天子在上，故人忝備政府，可強爲一出。」相卿報稱：「最高者勞，乃居方飽食無裨，乃公竟不起。」後海上變，韓

路者就問籌策相卿爲口畫便宜事諸多效其清高
節老而彌壯士大夫識不識輒相敬慕咸以爲人中之
鳳云

孝廉張文東

張涑字文東海寧人生有異質方童時日誦數千言爲
文詞采煥麗氣焰輝赫一時名輩咸推下之皆以爲王
宰安樓生也辛卯舉於鄉時尙未冠其聲偶舉動於鄉
紳士大夫樂與之交嗜泉大僚至禮於其廬世父嘗
管錢數百千無所償誅議斥產以公或曰若幸友富貴

一言而解何重。借齒牙而輕議先人遺業。邪。涑曰。資。我
易得耳。至於節槩一失。不可復贖。涑卽餓死。不顧也。意
產產抵之。以是家益貧。初涑爲諸生。與童憲副漢臣方
郡守九叙友善。時稱三傑。後兩人皆登仕籍。因涑宴處。
時時餽廩餼。輒推不受。或固餉之。強至再三。勉爲一受。
卽盛治具。召其人至。共飲食。必盡其所餉。然後已。涑於
世一無所屑。與富路高談累日。未嘗及時事。抗志守高。
曠視塵表。卽藜藿不給。卓如也。竟以阨窮不得志而死。
卒年三十三。詩文俊爽。有奇氣。所著有窮居集。漢臣爲

梓行於世

漢陽令董碩甫穀

董穀字碩甫從吾先生濡之子也正德丙子舉於鄉嘉靖辛丑授安義令更令漢陽俱劇邑綏輯鎮定所部不擾介然守正罔突梯取容竟與上官枘鑿拂袖而歸耕於海上安貧樂志冲曠夷猶每值粒罄過午未炊散步激塋湖濱採白蘋以嗅淡如也相知者或念其貧而困之一介不取空腹而歌聲如金石既而待其父游王陽明先生之門獲聞良知之學精修深詣時稱高弟每歲

陶靖節形影神釋之詩取菰文忠本月不變之旨知者
以爲陶靖節詩玉所著有翠里四存前稿藏於家

兩浙名賢錄卷之四十三